



SOALAN LAZIM

Pelepasan Taksiran Cukai Pendapatan Simpan SSPN

- 1. Siapakah yang layak mendapat insentif pelepasan taksiran cukai pendapatan Simpan SSPN?**

Ibu/bapa atau ibu/bapa angkat atau penjaga yang sah dari segi undang-undang yang menyimpan dalam akaun Simpan SSPN Prime atau/dan Simpan SSPN Plus untuk manfaat anak (penerima manfaat) diberi pelepasan taksiran cukai pendapatan sehingga maksimum RM8,000.00 setahun berdasarkan jumlah simpanan bersih tahun semasa.

- 2. Adakah pendeposit Simpan SSPN layak mendapat insentif pelepasan taksiran cukai pendapatan?**

Ya. Pendeposit Simpan SSPN layak mendapat insentif pelepasan taksiran cukai pendapatan atas simpanan bersih tahun semasa sehingga tahun taksiran 2027.

- 3. Adakah pendeposit yang mempunyai akaun Simpan SSPN Prime (dahulunya dikenali sebagai SSPN-i) dan Simpan SSPN Plus (dahulunya dikenali sebagai SSPN-i Plus) layak untuk menikmati pelepasan taksiran cukai pendapatan Simpan SSPN?**

Ya. Pelepasan taksiran cukai pendapatan atas simpanan bersih Simpan SSPN adalah bagi kedua-dua produk Simpan SSPN iaitu akaun Simpan SSPN Prime dan akaun Simpan SSPN Plus.

- 4. Adakah pendeposit yang mempunyai akaun Simpan SSPN Prime dan Simpan SSPN Plus akan dapat menikmati pelepasan taksiran cukai pendapatan Simpan SSPN sebanyak RM15,000?**

Tidak. Pelepasan taksiran cukai pendapatan ke atas simpanan bersih bagi Simpan SSPN Prime dan Simpan SSPN Plus hanya diberikan sehingga RM8,000.

Walau bagaimanapun bagi akaun Simpan SSPN Plus, pendeposit boleh menikmati tambahan pelepasan taksiran cukai pendapatan sehingga RM7,000 ke atas caruman sumbangan takaful yang dibayar kepada pengendali takaful di bawah kategori pelepasan bagi Insuran/Takaful Nyawa dan Caruman KWSP.

5. Adakah simpanan yang dibuat tahun sebelumnya boleh diambil kira untuk layak pelepasan taksiran cukai pendapatan Simpan SSPN?

Tidak. Deposit simpanan yang dibuat pada tahun taksiran cukai sahaja yang layak mendapat pelepasan taksiran cukai Simpan SSPN.

6. Apakah kategori kelayakan untuk pelepasan taksiran cukai pendapatan bagi simpanan Simpan SSPN?

Kategori kelayakan adalah seperti berikut:

- a) Taksiran Berasingan:** Pelepasan taksiran cukai pendapatan sehingga maksimum RM8,000 setahun oleh salah seorang (ibu atau bapa) bagi akaun Simpan SSPN yang dibuka untuk penerima manfaat (anak).

Pendeposit Ayah: Syamel bin Yusoff	Pendeposit Ibu: Farrah binti Mustafa
Penerima manfaat: Eyman bin Syamel	Penerima manfaat: Eyman bin Syamel
Pelepasan taksiran cukai pendapatan sehingga maksimum RM8,000 setahun berdasarkan simpanan bersih tahun semasa bagi ibu atau bapa. Hanya seorang layak menuntut (terhad kepada amaun yang dibelanjakan)	

- b) Taksiran Bersama:** Pelepasan taksiran cukai pendapatan sehingga maksimum RM8,000 setahun bagi akaun Simpan SSPN yang dibuka untuk penerima manfaat (anak).

Pendeposit Ayah: Ameer bin Adnan	Pendeposit Ibu: Raihana binti Rahman
Penerima manfaat: Aqil bin Ameer	Penerima manfaat: Aqil bin Ameer
Pelepasan taksiran cukai pendapatan sehingga maksimum RM8,000 setahun berdasarkan simpanan bersih tahun semasa atas taksiran bersama. Perbelanjaan pasangan disifatkan dibelanjakan oleh suami/ isteri dan terhad kepada amaun yang didepositkan.	

7. Apakah umur penerima manfaat yang bagi akaun Simpan SSPN yang layak mendapat insentif pelepasan taksiran cukai pendapatan ini?

Tuntutan pelepasan taksiran cukai boleh dibuat atas akaun penerima manfaat (anak) sehingga tahun sebelum umurnya mencapai umur 29 tahun (mengikut tahun tarikh lahir anak).

8. Sekiranya umur penerima manfaat (anak) telah mencapai umur 29 tahun, adakah pendeposit layak untuk pelepasan tafsiran cukai pendapatan Simpan SSPN?

Tidak. Akaun Simpan SSPN bagi penerima manfaat (anak) yang telah mencapai umur 29 tahun (mengikut kiraan tahun umur anak mencapai 29 tahun) adalah tidak layak pelepasan taksiran cukai pendapatan bagi simpanan yang dibuat pada tahun taksiran anak akan mencapai umur 29 tahun.

9. Adakah pengeluaran dari Akaun Simpan SSPN yang dibuat bagi tujuan pembiayaan yuran pengajian tinggi anak akan diambil kira dalam pengiraan tabungan bersih dan menjejaskan jumlah kelayakan pelepasan cukai?

Tidak. Mulai tahun taksiran 2025, pengeluaran simpanan dari akaun Simpan SSPN yang bertujuan membiayai yuran pengajian anak tidak akan diambil kira dalam pengiraan tabungan bersih bagi tahun tersebut dan tidak akan menjejaskan jumlah pelepasan yang layak.

10. Adakah pendeposit perlu mengemukakan bukti pembayaran yuran pengajian anak semasa membuat pengeluaran simpanan Akaun Simpan SSPN?

Tidak. Pendeposit hanya perlu menyimpan resit pembayaran yuran pengajian tersebut untuk tujuan semakan audit oleh pihak Lembaga Hasil Dalam Negeri Malaysia (LHDNM).

11. Apakah peringkat pengajian yang melayakkan pengeluaran bagi tujuan pendidikan tinggi penerima manfaat (anak)?

Peringkat pengajian yang melayakkan pengeluaran bagi tujuan pendidikan tinggi penerima manfaat (anak) adalah seperti berikut:

- i. Diploma;
- ii. Ijazah Sarjana Muda;
- iii. Ijazah Sarjana; dan
- iv. Doktor Falsafah.

12. Jika penerima manfaat (anak) meninggal dunia, adakah pendeposit layak mendapat pelepasan taksiran cukai pendapatan ke atas simpanan bersih yang dibuat pada tahun penerima manfaat meninggal dunia?

Tidak layak. Jika berlaku kematian penerima manfaat, akaun akan ditutup dan semua keistimewaan akan terbatal.

13. Adakah individu yang menyimpan untuk diri sendiri layak untuk mendapatkan pelepasan taksiran cukai pendapatan Simpan SSPN?

Tidak layak. Individu yang menyimpan untuk diri sendiri tidak layak untuk mendapat pelepasan taksiran cukai pendapatan Simpan SSPN.

14. Adakah pembukaan akaun bagi jenis akaun amanah layak mendapat pelepasan taksiran cukai pendapatan Simpan SSPN?

Tidak layak. Individu yang menyimpan untuk anak yatim (anak yatim yang menghuni di rumah anak yatim) di bawah jenis akaun amanah adalah tidak layak untuk mendapat pelepasan taksiran cukai pendapatan Simpan SSPN.

15. Adakah dividen Simpan SSPN layak pelepasan taksiran cukai pendapatan Simpan SSPN?

Tidak layak. Dividen Simpan SSPN tidak layak pelepasan taksiran cukai pendapatan Simpan SSPN. Namun begitu, dividen Simpan SSPN dikecualikan dikenakan cukai pendapatan.

16. Bagaimanakah kelayakan pelepasan taksiran cukai pendapatan Simpan SSPN bagi pendeposit (bapa dan ibu) yang telah bercerai?

Bagi pendeposit (bapa dan ibu) yang telah bercerai, mereka adalah layak mendapat pelepasan taksiran cukai pendapatan Simpan SSPN tertakluk kepada amaun yang telah didepositkan sehingga maksimum RM8,000 setahun seorang.

17. Bagi pendeposit yang memenangi hadiah berbentuk simpanan Simpan SSPN (seperti Cabutan WOW! Simpan SSPN, Ganjaran Kesetiaan dan lain-lain peraduan/ pertandingan anjuran PTPTN), adakah hadiah tersebut layak pelepasan taksiran cukai pendapatan?

Tidak layak. Sebarang hadiah berbentuk simpanan Simpan SSPN bagi sebarang peraduan atau pertandingan anjuran PTPTN adalah tidak layak pelepasan taksiran cukai pendapatan Simpan SSPN.

18. Adakah pendeposit masih layak pelepasan taksiran cukai pendapatan Simpan SSPN sekiranya membuat deposit simpanan di akhir tahun pada tarikh 31 Disember?

Pendeposit akan layak pelepasan taksiran cukai pendapatan Simpan SSPN sekiranya PTPTN menerima deposit simpanan tersebut tidak melepasi 31 Disember. Bagi pendeposit yang membuat deposit simpanan melalui saluran selain daripada kaunter PTPTN, adalah disarankan membuat deposit simpanan selewat-lewatnya 25 Disember setiap tahun.

19. Bagaimanakah cara untuk mengetahui amaun layak insentif pelepasan taksiran cukai pendapatan?

Pendeposit akaun Simpan SSPN boleh menyemak simpanan bersih deposit simpanan yang layak pelepasan taksiran cukai pendapatan melalui aplikasi [myPTPTN](#). Pendeposit juga boleh mencetak atau menyimpan Penyata Pelepasan Taksiran Cukai Pendapatan Simpan SSPN.

Sebarang pertanyaan, sila hubungi PTPTN melalui salah satu kaedah berikut:

- a) Pusat Panggilan (Careline) di talian 03 2193 3000;
- b) Live chat di Portal PTPTN (<https://www.ptptn.gov.my>);
- c) Eksekutif Jualan (<https://www.ptptn.gov.my/pejabat-cawangan-ptptn/>);
- d) e-Aduan PTPTN (<https://eaduan.ptptn.gov.my>); dan
- e) Media sosial (@PTPTNOfficial)